

INUIT ATAQATIGIIT INATSIARTUNI



UKA2024/126

17.okt.2024

Mariane Paviasen Jensen

**Pisortat namminersortullu suliffeqarfiini sulilerlaat tamarmik sullivimmi
isumannaallisaanermik ilinniagaqarsimanissaasa inatsisitigut
piumasaqaataalernerata aningaasatigut allaffissornikkullu
kingunerisassaasa ersersinneqarnissaat siunertaralugu
nassuiaasiornissamik Naalakkersuisut peqquneqarnissaannik
Inatsisartut aalajangiiffigisassaattut siunnersuut. Nassuiaat UKA 2025
nallertinnagu Inatsisartunut agguanneqassaaq.**

(Inatsisartunut ilaasortaq Anna Wangenheim, Demokraatit)

Oqaaseqaat:

Inuit Ataqatigiit sinnerlugit siunnersuutigineqartoq ima oqaaseqarfigissavarput.

Suliasat amerliartortillugit allaffissorneq annertusiartuinnartarpoq.

Sullivinni avatangiisit suliffeqarfiit inunnik qulinit sinneqartunik atorfeqartitsigaangamik piumasaqaataasarpoq minnerpaamik sulisut marluk sullivinni avatangiisit pillugit ilinniartitaasimanissaat piumasaqaataareerpoq.

Suliffeqarfiit pisortat pigisaat aammalu namminersortut piumasaqaammut tassunga malinnittussaataapput.

Nunatsinni suliffeqarfeerarpaalussuaqarpoq, Demokraatit sinnerlugit inatsisartuni ilaasortat Anna Wangenheim-ip siunnersuutaata anguniargaraa suliffeqarfeqqat tamavimmik isumannaallisaanissaanermik sulisuminnik pikkorissarititsisalernissaat.

Pikkorissartitsinerit suliffeqarfiup nammineq akiligassarisaarpaat, pikkorissartup angalanissaa, najugaqarnera, pikkorissaanermilu akiliutigineqartartoq ullormusiaqarneralu tamaasa suliffeqarfiup akilertussaasavai, tassanilu aamma eqqaamasariaqarpoq sulisorisap pikkorissartinneqarnerani sulisumik allamik taarteqarnissaa pisariaqartussaammat.

INUIT ATAQATIGIIT INATSISARTUNI



Taamaalilluni apeqqusernarsivoq suliffeqarfiit namminersortut mikinerit ilaatigut sulisunik nikerarsinnaasunik sulisoqartartuni, qulaaniit aalijangiigutta sulisut tamavimmik sullivimmi avatangiisit pillugit pikkorissartinneqartalernisaannut kingunissai suusinnaanersut apeqqutillu ilaatigut makku takkullutik:

1. Ilinniartitsiniarnermi suliffeqarfiup nammineq akilertagassaani suliffeqarfeeqqat qanoq eqqorneqassappat?
2. Suliffeqarfeeqqat amerlasuut ilaatigut sulisunik nikerarsinnaasunik sulisoqarsinnaasarput, taakku sulisorisartagaasa ukiup ingerlanerani qanoq amerlatigineri soqutiginarpoq aningaasartuutigisalerumaagassaat naatsorsukannersinnaajumallugit.
3. Suliffeqarfeeqqat pineqartut siunnersuummut qanoq isumaliortersuuteqarpat?
4. Sullivinnik avatangiisinut nakkutilliisoqarfiup siunnersuut qanoq isumaqarfigaa?
5. Suliassaq annertusippat atorfilittat amerlisariaqassappat?
6. Allaffissornerulernerimik kingunissaa qanoq annertutigiva?
7. Sullivinni nakkutilliisoqarfiup pikkorissaanerit amerlisariaqassagaanik ilimanaateqarat sulinerunermik kinguneqartussaammat akimikkut qaffaasariaqassanepat?

Sullivinni avatangiisinut nakkutilliinermik oqartussaaffik suli tiguneqanngilarput, taamaattorli nunatsinni nammineerluta inatsisiliorsinnaatitaavugut. Inuit Ataqatigiinni namminersulerniarluta anguniagaqarnitsinni siunnersuut una tapersinngilarput, eqqartorneqartariaqartuni pingaarnersuq tassaattipparput oqartussaaffik qaqugu, qanorlu nunatsinni tamakkiisumik oqartussaaffigilernissaa qulaanarneqartariaqartoq.

Nakkutilliisoqarfiup paasissutissaatai misissoraani takuneqarsinnaavoq tallimanik sulisoqartoq, namminerlu angalallutik illoqarfinnut pikkorissariartitsinermik aamma ingerlatsisinnaasartut.

Inuit Ataqatigiinni isumaqarpugut suliffinni pikkorissaanerit pingaaruteqartorujussuusut, taakkunuunatigut suliffinni piginnaaneqarnerulernerit, oqartussaaqataanerulernerit, ineriartortitsinerillu annerusumik ingerlanneqartarput. Aningaasanut inatsimmi piginnaanngorsaqqiinernik aningaasaliisarneq ingerlanneqarpoq.

Isumaqarpugut innuttaasut sulisinnaasut pikkorissarnissamik periarfissaqartariaqartut, sulisorisat suliamut tunngasunik assersuutigalugu meeqqamut tunngasunik sullisuusimappata, meeqqanut tunngasumik

INUIT ATAQATIGIIT INATSIARTUNI



sulillisinermik pikkorissarnermik annerusumik ingerlatsisoqalerpat iluarissagaluqaarput.

Siunnersuummi isumaqarpugut annertuumik allaffissornermik kinguneqartussaasasoq, Inuit Ataqatigiinni pineqartunik peqataatitsilluni sulinissamik pingaartitsilluinnartuuvugut, uanilu siunnersuummit pineqartut peqatigineqarsimanagerat ajoraluartumik malunnangilaq pingaarutilittullu isiginiagarput tassaavoq sulinermi atugassarititaasunik pitsanngorsaanissamik siunertaqarneq, taamaattorli Naalakkersuisuit allannguutissatut siunnersuutaat taperserparput, inuussutissarsiornermik ataatsimiititaliamut ingerlateqqipparput. Taasumap saniatigut partiit allat oqariartuutaat tusassallugu qilanaarpugut.

Qujanaq